



Datuk Dr. Janathan menerima cendera kenangan daripada pihak UMS

GST tidak bebbankan rakyat

oleh: Ardi Erin

RABU, 26 FEB - Pengarah Jabatan Kastam Diraja Malaysia (JKDM) Sabah, Datuk Dr. Janathan Kandok memberikan penerangan mengenai Cukai barangan dan perkhidmatan (GST) yang bakal dilaksanakan pada 1 April 2015 di Dewan Resital Universiti Malaysia Sabah (UMS).

Datuk Dr. Janathan Kandok berkata, GST bukanlah punca kepada kenaikan harga barang tetapi adalah salah satu proses untuk memantapkan sistem percukaian negara dan merupakan sistem percukaian

yang lebih cekap, berkesan, telus dan mesra pelanggan.

“Pelaksanaan GST merupakan satu sistem percukaian baru bagi menggantikan Sistem Cukai Jualan dan Perkhidmatan (SST) dan tidak melibatkan penambahan bagi pembayaran cukai,” katanya.

Janathan yang juga alumni UMS berkata cukai SST dimansuhkan kerana terdapat kelemahan dalam sistem percukaian tersebut iaitu melibatkan sistem cukai atas cukai.

Selain itu, beliau turut mengatakan bahawa GST bukanlah satu strategi politik kerana usaha dan idea untuk melaksanakan GST telah dimulakan seawal tahun 80-an lagi.

Tambahnya lagi, pelaksanaan GST bukanlah faktor kepada kenaikan harga barang, yang akan dilaksanakan pada 1 April 2015.

Beliau menjelaskan bahawa GST perlu dilihat sebagai strategi ekonomi yang manfaatnya dapat dikembalikan kepada rakyat melalui penambahbaikan kemudahan sekolah, jalan raya, pengangkutan awam, dan perkhidmatan kesihatan.

GST perlu disokong kerana ia menguntungkan rakyat dan jika berlaku penyelewengan sila laporkan kepada Kastam Diraja Malaysia agar mereka dikenakan tindakan yang sewajarnya.

“Akhir sekali doakan kejayaan GST kerana kita tidak ada pilihan melainkan kita menyokong sistem ini,” katanya ketika menyampaikan ceramah tersebut.